



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
o izmjenama Odluke o izvršavanju Budžeta Grada Sarajeva
za 2021. godinu
(Prijedlog)

Predlagač: Gradonačelnica
Stručna obrada: Gradska služba finansija
Stručna služba gradonačelnice
Grada Sarajeva

Sarajevo, septembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 7. stav 1. i 2., a u vezi sa članom 28. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i člana 26. stav 1. tačka 2. i tačka 6. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva na sjednici održanoj dana __.__.2021. godine, donijelo je

(prijedlog)

Odluku o izmjenama Odluke o izvršavanju Budžeta Grada Sarajeva za 2021. godinu

Član 1.

U Odluci o izvršavanju Budžeta Grada Sarajeva za 2021. godinu („Službene novine Kantona Sarajevo“, broj 2/21), član 9. se mijenja i glasi:

„Član 9.

- (1) Donacije, transferi, namjenski prihodi i primici koji nisu planirani u Budžetu, a ostvare se u toku godine ili se ostvare u većem iznosu od plana u Budžetu, na prijedlog nadležne službe, unosit će se i raspoređivati na osnovu odluke gradonačelnice i postaju sastavni dio Budžeta, a odluka će se objaviti u „Službenim novinama Kantona Sarajevo“.
- (2) Donacije, transferi, namjenski prihodi i primici koji nisu utrošeni u 2020. godini razgraničavaju se i po usvajanju godišnjeg obračuna Budžeta Grada Sarajeva za 2020. godinu odlukom gradonačelnice unose se u Budžet naredne godine.
- (3) Na način i po proceduri propisanom stavom 1. i stavom 2. ovog člana postupit će se i u slučajevima odobravanja finansijske potpore Gradu Sarajevo, kao što je potpora odobrena u svrhu suzbijanja posljedica nastalih uslijed pandemije (Covid-19), kao i drugim slučajevima vanrednih i nepredviđenih okolnosti.”

Član 2.

Član 26. mijenja se i glasi:

„Član 26.

Nadzor nad korištenjem budžetskih sredstava vrši se putem budžetskog nadzora, interne i eksterne revizije.”

Član 3.

U ostalom dijelu Odluka ostaje neizmijenjena.

Član 4.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo:

O b r a z l o ž e n j e

PRAVNI OSNOV

Pravni osnov za donošenje Odluke sadržan je u članu 7. Zakona o budžetima u Federaciji Bosne i Hercegovine („Službene novine Kantona Sarajevo”, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), kojim je propisano da gradska vijeća donose budžete, kao i Odluke o izvršavanju budžeta, kojom se utvrđuje struktura prihoda i primitaka te rashodi i izdaci budžeta u njegovo izvršavanje, prioriteta plaćanja, obim primitaka te rashodi i izdaci budžeta u njegovo izvršavanje, prioriteta plaćanja, obim zaduživanja i izdavanje garancija, upravljanje dugom, prava i obaveze korisnika budžetskih sredstava, ovlaštenja izvršne vlasti u izvršavanju budžeta za tekuću godinu, kazne za neispunjavanje obaveza te druga pitanja vezana za izvršavanje budžeta.

Pravni osnov sadržan je i u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Odlukom o izmjenama Odluke o izvršavanju Budžeta Grada Sarajeva za 2021. godinu („Službene novine Kantona Sarajevo“, broj 2/21), vrši se dodatno usklađivanje predmetnog akta sa Zakonom o budžetima u Federaciji BiH, kao i razrada pojedinih odredbi ove odluke.

Na ovaj način omogućit će se efikasnije i praktičnije postupanje u situacijama uočenih potreba za preraspodjelom sredstava u Budžetu, unošenju i raspoređivanju određenih donacija, transfera, namjenskih prihoda i primitaka, i druga slična pitanja.

Također, odredbom člana 26. predviđen je i dodatno razrađen nadzor nad korištenjem budžetskih sredstava, kao i vrste i vidovi nadzora koji se u ovom segmentu mogu primijeniti.

Naprijed navedeno urađeno je na zakonu zasnovanim rješenjima navedenim u preambuli predloženog akta, i na osnovu uočene prakse i postupanja, kao i uvida u odluke ove vrste drugih jedinica lokalne samouprave u Kantonu Sarajevo.

FINASIJSKA SREDSTVA

Za realizaciju ove odluke nisu potrebna dodatna finansijska sredstva.

13	Rekonstrukcija grijanja	0,00	0,00	0,00
14	Projekat izrade mape sa vituelnim prikazom ulica i objekata od kulturno-historijskog, turističkog i privrednog značaja za grad Sarajevo	0,00	0,00	0,00
15	Izrada studija, elaborata, projektnih programa za poboljšanje energetske efikasnosti	0,00	0,00	0,00
16	Nabavka ostalih stalnih sredstava	5.000,00	3.737,16	30.000,00
17	Izdaci za otplatu glavnice kredita Razvojnoj banci FBiH	0,00	0,00	227.274,00
18	Adaptacija i opremanje poslovnih prostora GS	0,00	0,00	0,00
	UKUPNO	120.000,00	9.028,96	400.474,00

Član 3.

U tekuću rezervu izdvojiće se sredstva u iznosu od 100.000,00 KM budžetskih sredstava za 2021. godinu.

Sredstva će se koristiti za potrebe koje se nisu mogle predvidjeti ili su se predvidjele nedovoljnim iznosom sredstava.

Ovaj Budžet stupa na snagu narednog dana od dana objavljivanja u "Službenim novinama Kantona Sarajevo", a važi za 2021. godinu.

Broj 01-GV-02-1282/20
30. decembra 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 7. stav 1. i 2., a u vezi sa članom 28. Zakona o budžetima u Federaciji BiH ("Službene novine Federacije BiH", br. 102/13, 9/14, 13/14, 8/15 i 91/15, 104/16 i 5/18) i člana 26. stav 1. tačka 2. i tačka 6. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na 45. sjednici, održanoj 30.12.2020. godine, donijelo je

ODLUKU

O IZVRŠAVANJU BUDŽETA GRADA SARAJEVA ZA 2021. GODINU

I. OPĆE ODREDBE

Član 1. (Predmet)

Ovom odlukom uređuje se struktura Budžeta Grada Sarajeva za 2021. godinu (u daljem tekstu: Budžet), upravljanje prihodima i primicima, te rashodima i izdacima budžeta i njihovo izvršavanje, prioriteta plaćanja, finansijsko izvještavanje i obaveze korisnika budžetskih sredstava (u daljem tekstu: Korisnika), te ovlaštenja Gradonačelnika i odgovornosti u izvršavanju Budžeta, te druga pitanja vezana uz izvršavanje Budžeta.

II. STRUKTURA BUDŽETA

Član 2. (Struktura Budžeta)

- (1) Budžet se sastoji od općeg i posebnog dijela i kapitalnog budžeta.
- (2) Opći dio Budžeta sastoji se od računa prihoda i rashoda i izdataka. Posebni dio Budžeta sastoji se od plana rashoda i izdataka budžetskih korisnika za tekuću budžetsku godinu raspoređenih po vrstama u tekuće i kapitalne izdatke.
- (3) U računu prihoda i rashoda iskazuju se: porezni i neporezni prihodi i drugi primici, te rashodi i izdaci utvrđeni za finansiranje potreba Grada Sarajeva na osnovu zakonskih i drugih propisa.

Prihodi i primici priznaju se u periodu kada su mjerljivi i raspoloživi, odnosno kada su uplaćeni na JR Grada.

Rashodi i izdaci priznaju se u periodu kada je obaveza nastala.

- (4) Suficit ostvaren u prošlom periodu rasporedit će se na povećanje likvidnosti Budžeta tekuće godine.
- (5) Deficit ostvaren u prošlom periodu podmirivat će se iz viška prihoda tekuće godine.

III. IZVRŠAVANJE BUDŽETA

Član 3.

(Korištenje transfera Budžeta)

- (1) Budžetom se osiguravaju sredstva korisnicima transfera koji su u posebnom dijelu Budžeta određeni kao krajnji korisnici na pojedinim pozicijama.
- (2) U zavisnosti od projekta, korisnik transfera, na zahtjev nadležnog organa, prije potpisivanja ugovora, dostavlja potrebnu dokumentaciju kojom se osigurava namjensko, zakonito i efikasno korištenje transferiranih sredstava.
- (3) S korisnikom transfera, nadležni organ sklapa ugovor kojim preuzima obavezu transfera sredstava najviše do visine sredstava planirane Budžetom, a korisnik transfera se obavezuje sredstva koristiti samo za namjenu planiranu Budžetom.
- (4) Korisnik doznačenog transfera dužan je dostaviti nadležnom organu izvještaj o namjenskom utrošku sredstava u roku od 30 dana od utroška transferiranih sredstava iz Budžeta.
- (5) U slučaju da korisnik transfera ne dostavi izvještaj o namjenskom utrošku sredstava, neće imati pravo aplicirati za dodjelu sredstava, niti biti korisnik istih u narednoj fiskalnoj godini.

Član 4.

(Odgovornost)

- (1) Gradonačelnik ili lice koje on ovlasti, raspolaze sredstvima i odobrava svaki utrošak sredstava Budžeta Grada Sarajeva, u skladu sa zakonskim propisima.
- (2) Ostali funkcioneri i rukovodioci u Gradu Sarajevu su nosioci programskih aktivnosti iz svoje nadležnosti, odgovorni za zakonito izvršavanje svih rashoda i izdataka u skladu sa namjenom.
- (3) Odgovorne osobe provode sve zakonom propisane radnje radi naplate potraživanja iz svoje nadležnosti.
- (4) Za nenaplativa potraživanja, Gradsko vijeće, na obrazložen prijedlog Gradonačelnika, može donijeti odluku o otpisu potraživanja.
- (5) Gradonačelnik je odgovoran za zakonito, namjensko, efikasno i ekonomično raspolaganje budžetskim sredstvima.

Član 5.

(Naredbodavci i plaćanje)

- (1) Gradonačelnik je naredbodavac za korištenje sredstava Budžeta Grada Sarajeva.

- (2) Gradska služba finansija vrši plaćanje svih obaveza Grada Sarajeva.
- (3) Svaki rashod i izdatak iz Budžeta mora se zasnivati na vjerodostojnoj knjigovodstvenoj ispravi kojom se dokazuje obaveza plaćanja, a prije njenog potpisivanja, odgovorno lice je dužno provjeriti pravni osnov i visinu obaveze koja iz nje proizlazi.
- (4) Gradonačelnik ima pravo rješenjem obustaviti izvršenje odluke koja je u suprotnosti sa Zakonom.

Član 6.

(Dinamika izvršavanja)

Budžet će se izvršavati prema sljedećoj dinamici:

- a) Plaćanje obaveza po kreditima,
- b) Plaćanje po osnovu sudskih rješenja,
- c) Plaće, doprinosi i naknade zaposlenima,
- d) Izdaci za materijal i usluge,
- e) Tekući grantovi - projekti socijalne zaštite,
- f) Kapitalni grantovi,
- g) Izdaci za nabavku stalnih sredstava,
- h) Tekući izdaci, ostali.

Član 7.

(Preraspodjela sredstava)

- (1) Preraspodjela sredstava ne može biti veća od 10% ukupno odobrenih rashoda i izdataka.
- (2) U okviru odobrenog Budžeta, preraspodjela sredstava iznimno je dozvoljena, po odluci Gradonačelnika, na prijedlog Gradske službe finansija.
- (3) Budžetska sredstva se ne mogu preraspodjeljivati između Računa prihoda i rashoda, Računa kapitalnih izdataka i primitaka i Računa finansiranja.
- (4) Gradonačelnik je obavezan informisati Gradsko vijeće o izvršenoj preraspodjeli sredstava u okviru kvartalnog izvještavanja.

Član 8.

(Povrati)

- (1) Pogrešno ili više uplaćeni prihodi u Budžet tekuće godine, vraćaju se uplatiocima na teret tih prihoda tekuće godine, a na osnovu rješenja Kantonalnog ministarstva finansija ili općinskih načelnika po podnesenom zahtjevu uplatioca.
- (2) Ukoliko se naknadno utvrdi da je isplata iz budžeta izvršena nezakonito i/ili nenamjenski, budžetski korisnik je dužan odmah zahtijevati povrat budžetskih sredstava.
- (3) Povrati iz prethodnih godina realizuju se na osnovu Rješenja o povratu po odobrenju Gradonačelnika iz rashoda sa pozicije 614800.

Član 9.

(Donacije, grantovi i razgraničeni prihodi)

Namjenske donacije i grantovi koji nisu planirani u Budžetu, a ostvare se u toku godine, unosit će se i raspoređivati kroz mjesečna izvršenja Budžeta Grada Sarajeva i postati će sastavni dio Budžeta, a na osnovu odluke Gradonačelnika.

Član 10.

(Imovina)

- (1) Dokumentacija o stečenim nekretninama se dostavlja Pravobranilaštvu u roku od 30 dana od dana sticanja.
- (2) Pravobranilaštvo će sastaviti zemljoknjižni prijedlog i isti podnijeti nadležnom sudu radi upisa u zemljišne knjige.
- (3) Korisnik je dužan u roku od 30 dana od dana dobivanja dokaza o upisu u zemljišne knjige Gradskoj službi finansija dostaviti isti, radi evidentiranja u Glavnoj knjizi.
- (4) Svaka promjena imovine (pokretne i nepokretne) mora biti evidentirana u Glavnoj knjizi, na osnovu dokumentacije koju dostave Službe koje neposredno učestvuju u nabavci ili otuđenju iste.

Član 11.

(Javne nabavke)

Postupak nabavke roba i usluga i ustupanju radova ugovorni organ je dužan obavljati u skladu sa Zakonom o javnim nabavkama Bosne i Hercegovine ("Službeni glasnik BiH", broj 39/14).

Član 12.

(Osnovica i bod za obračun plate)

Osnovica i bod za obračun plate utvrđuju pregovorima gradonačelnika sa sindikatom, a prije predlaganja, odnosno usvajanja Odluke o izvršavanju Budžeta Grada Sarajeva za svaku budžetsku godinu i primjenjuju se od 01.01., za svaku narednu godinu.

Član 13.

(Realizacija sredstava namijenjenih za rad vijećnika i radnih tijela Gradskog vijeća)

- (1) Sredstva utvrđena u Budžetu Grada Sarajeva na ekonomskom kodu 613900 - naknade radnim tijelima Gradskog vijeća, naknade vijećnicima Gradskog vijeća isplaćuju se na osnovu Odluke o platama i naknadama u organima Grada Sarajeva ("Službene novine Kantona Sarajevo", broj 38/17).
- (2) Sredstva utvrđena u Budžetu na ekonomskom kodu 614 300 - grant parlamentarnim grupama, rasporedit će se na osnovu Odluke o raspodjeli sredstava budžeta Grada Sarajeva planiranih za rad klubova Gradskih vijećnika ("Službene novine Kantona Sarajevo", br. 32/13, 3/17 i 27/17), i izvršavat će se na osnovu dinamike priliva sredstava u Budžet.

Član 14.

(Realizacija sredstava tekućeg granta na ekonomskom kodu 614100)

- (1) Sredstva utvrđena u Budžetu Grada Sarajeva na ekonomskom kodu 614100 - tekući grantovi, kada je naznačen krajnji korisnik, realizuju se po osnovu potpisanih ugovora o realizaciji odobrenih sredstava, sa korisnikom sredstava.
- (2) Za pozicije u Budžetu Grada Sarajeva na ekonomskom kodu iz stava 1. ovog člana, kada nije naznačen krajnji korisnik, sredstva će se realizovati po osnovu javnog poziva u skladu sa uslovima utvrđenim u javnom pozivu ili donošenjem odluke gradonačelnika Grada Sarajeva o odobravanju novčanih sredstava.
- (3) Sredstva namijenjena iz ovog granta za projekte realizovat će se Odlukom - Ugovorom gradonačelnika, a na prijedlog gradskih službi.
- (4) Realizacija sredstava, na ekonomskom kodu iz stava 1. ovog člana, vršit će se i u skladu sa odlukama i pravilnicima kojima se bliže uređuju pojedine oblasti.

Član 15.

(Realizacija sredstava tekućeg granta za realizaciju projekata iz oblasti sporta)

Sredstva utvrđena u Budžetu Grada Sarajeva na ekonomskom kodu 614100 - tekući grantovi, za Projekte iz oblasti sporta realizovat će se u skladu sa Odlukom o načinu provođenja javnog interesa Grada Sarajeva u oblasti sporta, u skladu sa pravilnikom koji bliže uređuje ovu oblast, putem javnog poziva, i to donošenjem odluke gradonačelnika Grada Sarajeva o odobravanju novčanih sredstava.

Član 16.

(Realizacija sredstava tekućeg granta pojedincima)

Gradonačelnik odobrava mjesečni utrošak sredstava za sredstva utvrđena u Budžetu na ekonomskom kodu 614200 - tekući grant pojedincima u skladu sa odobrenim operativnim planovima.

Član 17.

(Realizacija sredstava tekućeg granta na ekonomskom kodu 614300)

- (1) Sredstva utvrđena u Budžetu Grada Sarajeva na ekonomskom kodu 614300 - tekući grantovi, kada je naznačen krajnji korisnik, realizovat će se po osnovu potpisanih ugovora o realizaciji odobrenih sredstava, sa korisnikom sredstava.
- (2) Za pozicije u Budžetu Grada Sarajeva na ekonomskom kodu iz stava 1. ovog člana, kada nije naznačen krajnji korisnik, sredstva će se realizovati po osnovu javnog poziva u skladu sa uslovima utvrđenim u javnom pozivu i to donošenjem odluke Gradonačelnika Grada Sarajeva o odobravanju novčanih sredstava.
- (3) Sredstva namijenjena iz ovog granta za projekte realizovat će se Odlukom - Ugovorom gradonačelnika, a na prijedlog gradskih službi.
- (4) Realizacija sredstava, na ekonomskom kodu iz stava 1. ovog člana, vršit će se i u skladu sa odlukama i pravilnicima kojima se bliže uređuju pojedine oblasti.

Član 18.

(Realizacija sredstava tekućeg granta za realizaciju pokroviteljstva Grada Sarajeva)

Sredstva utvrđena u Budžetu Grada Sarajeva na ekonomskom kodu 614300 - tekući grantovi, Primjena Odluke o pokroviteljstvu, realizovat će se u skladu sa Odlukom o uslovima i postupku prihvatanja pokroviteljstva Grada Sarajeva i sa pravilnikom koji bliže uređuje ovu oblast i to donošenjem odluke gradonačelnika Grada Sarajeva o odobravanju novčanih sredstava.

Član 19.

(Realizacija sredstava tekućeg granta javnim preduzećima i ustanovama putem javnog poziva i posebnog pravilnika)

- (1) Sredstva utvrđena u Budžetu Grada Sarajeva na ekonomskom kodu 614400 - tekući grantovi javnim preduzećima i ustanovama kada je naznačen krajnji korisnik, realizuju se po osnovu potpisanih ugovora o realizaciji odobrenih sredstava, sa korisnikom sredstava.
- (2) Za pozicije u Budžetu Grada Sarajeva na ekonomskom kodu iz stava 1. ovog člana, kada nije naznačen krajnji korisnik, sredstva će se realizovati po osnovu javnog poziva u skladu sa uslovima utvrđenim u javnom pozivu i to donošenjem odluke gradonačelnika Grada Sarajeva o odobravanju novčanih sredstava.
- (3) Sredstva namijenjena iz ovog granta za projekte realizovat će se Odlukom - Ugovorom gradonačelnika, a na prijedlog gradskih službi.
- (4) Realizacija sredstava, na ekonomskom kodu iz stava 1. ovog člana, vršit će se i u skladu sa odlukama i pravilnicima kojima se bliže uređuju pojedine oblasti.

Član 20.

(Realizacija sredstava tekućeg granta javnim preduzećima i ustanovama primjenom konkretnih gradskih propisa)

Sredstva utvrđena u Budžetu Grada Sarajeva na ekonomskom kodu 614400 - tekući grantovi javnim preduzećima i ustanovama, realizovat će se u skladu sa uslovima utvrđenim u Odluci o samoupravnom djelokrugu Grada Sarajeva u oblasti srednjeg obrazovanja i sa pravilnikom koji bliže uređuje ovu oblast, i to donošenjem Odluke gradonačelnika Grada Sarajeva o odobravanju novčanih sredstava.

Sredstva namijenjena iz ovog granta za projekte realizovat će se Odlukom - Ugovorom gradonačelnika, a na prijedlog gradskih službi.

Član 21.

(Realizacija sredstava namijenjenih za kapitalne grantove)

Sredstva utvrđena u Budžetu na ekonomskom kodu 615100 - kapitalni grantovi realizovat će se u skladu sa Zakonom o javnim nabavkama Bosne i Hercegovine ("Službeni glasnik BiH", broj 39/14).

Član 22.

(Realizacija sredstava namijenjenih za nabavku stalnih sredstava)

Sredstva utvrđena u Budžetu sa ekonomskog koda 821000 - izdaci za nabavku stalnih sredstava, realizuju se uz primjenu Zakona o javnim nabavkama Bosne i Hercegovine ("Službeni glasnik BiH", broj 39/14).

Član 23.

(Realizacija sredstava tekuće rezerve i nepredviđenih izdataka)

- (1) Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve i nepredviđenih izdataka.
- (2) Raspodjela ovih sredstava realizovat će se u skladu sa Pravilnikom o kriterijima za korištenje sredstava iz tekuće rezerve i nepredviđenih izdataka.
- (3) O korištenju sredstava tekuće rezerve i nepredviđenih izdataka odlučuje gradonačelnik.
- (4) Za korištenje budžetske pozicije - Gradsko vijeće nepredviđeni izdaci prijedlog daje Predsjedavajući Gradskog vijeća Grada Sarajeva.
- (5) Gradonačelnik podnosi izvještaj Gradskom vijeću o utrošku sredstava tromjesečno, ako je došlo do realizacije.

Član 24.

(Praćenje izvršenja Budžeta)

- (1) Gradska služba finansija izrađuje mjesečne izvještaje o utrošku sredstava Budžeta Grada Sarajeva i dostavlja ih gradonačelniku i predsjedavajućem Gradskog vijeća, koji iste upućuje Odboru za Budžet i finansije i to najkasnije dvadeset dana po isteku obračunskog perioda za koji se izvještaj izrađuje.
- (2) Gradska služba finansija: a) dostavlja periodične izvještaje Gradskom vijeću i Kantonalnom ministru finansija u roku od 20 dana po isteku obračunskog perioda, a za period od 1. januara do 31. decembra, do 28. februara tekuće godine, b) izrađuje tromjesečne, šestomjesečne, devetomjesečne i godišnje izvještaje o utrošku sredstava Budžeta i dostavlja ih gradonačelniku, informiše Gradsko vijeće o izvršenju Budžeta u skladu sa Programom rada Gradskog vijeća.
- (3) Godišnji izvještaj o izvršenju Budžeta gradonačelnik podnosi Gradskom vijeću Grada Sarajeva na usvajanje.

Član 25.

(Fiskalna odgovornost)

- (1) Rukovodilac budžetskog korisnika je odgovoran za zakonito i namjensko korištenje sredstava i efikasno i uspješno funkcionisanje sistema finansijskog upravljanja i kontrolu u okviru budžetom utvrđenih sredstava.
- (2) Rukovodilac svake godine, za prethodnu budžetsku godinu, za period u kojem je obavljao poslove rukovodioca je obavezan popuniti izjavu o fiskalnoj odgovornosti.

IV. REVIZIJA

Član 26.

(Revizija Budžeta)

- (1) Reviziju Budžeta vrši Ured za reviziju budžeta u Federaciji BiH u skladu sa Zakonom.
- (2) Internu reviziju Budžeta vrši interni revizor u skladu sa Zakonom o internoj reviziji.

V. OBJAVLJIVANJE

Član 27. (Objavljivanje)

Budžet, Odluka o izvršavanju Budžeta, Odluka o privremenom finansiranju, kao i izmjene i dopune budžeta, te godišnji izvještaj o izvršenju budžeta i korištenje tekuće rezerve, objavit će se u "Službenim novinama Kantona Sarajevo" ili na web stranici Grada Sarajeva.

VI. KAZNENE ODREDBE

Član 28. (Kaznene odredbe)

Odgovorno lice budžetskog korisnika, nosilac izvršne vlasti, kao i drugo lice odgovorno za Budžet Grada Sarajeva, kaznit će se za kršenje ove Odluke saglasno odredbama člana 102. i člana 103. Zakona o budžetima Federacije Bosne i Hercegovine ("Službene novine Federacije BiH", br. 102/13, 9/14, 13/14, 08/15, 91/15, 104/16 i 5/18).

VII. PRELAZNE I ZAVRŠNE ODREDBE

Član 29. (Direktna primjena Zakona)

- (1) Odredbe koje nisu regulisane ovom odlukom direktno se primjenjuju iz Zakona o budžetima Federacije BiH i Zakona o trezoru FBiH.
- (2) U slučaju da su odredbe drugih zakona, propisa, akata i odluka u suprotnosti sa Zakonom o budžetima Federacije Bosne i Hercegovine, direktno će se primjenjivati Zakon o budžetima Federacije Bosne i Hercegovine.

Član 30. (Stupanje na snagu)

Ova odluka stupa na snagu dan po objavljivanju u "Službenim novinama Kantona Sarajevo", a važi za 2021. godinu.

Broj 01-GV-02-1283/20
30. decembra 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 5. Zakona o platama i naknadama u organima vlasti Federacije Bosne i Hercegovine ("Službene novine Federacije BiH", br. 45/10, 111/12 i 20/17), a u vezi sa članom 4. Odluke o platama i naknadama u organima Grada Sarajeva ("Službene novine Kantona Sarajevo", broj 38/17), te članom 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na 45. sjednici održanoj dana 30.12.2020. godine, donijelo je

ODLUKU

O UTVRĐIVANJU OSNOVICE I BODA ZA OBRAČUN PLATA U ORGANIMA GRADA SARAJEVA ZA 2021. GODINU

Član 1.

Ovom Odlukom utvrđuje se visina osnovice za obračun plata u organima Grada Sarajeva za 2021. godinu, na način da se najniža neto satnica koja iznosi 2,23 KM, množi sa fondom sati u mjesecu. Visina boda za obračun plata u organima Grada Sarajeva za 2021. godinu utvrđuje se u visini 1.

Član 2.

U slučaju povećanja indeksa potrošačkih cijena mjerenih od strane Federalnog zavoda za statistiku, većih od 5%, smanjenja ili povećanja najniže neto satnice, ili nastupanja drugih relevantnih činjenica koje utiču na utvrđivanje visine osnovice za obračun plaće, mogu se vršiti izmjene ove Odluke, odnosno usklađivanje za naprijed navedenim.

Član 3.

Ova odluka stupa na snagu narednog dana od dana objave u "Službenim novinama Kantona Sarajevo", a primjenjivat će se od 01.01.2021. godine.

Broj 01-GV-02-1284/20
30. decembra 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), a u vezi sa članom 3. Odluke o utvrđivanju i obilježavanju Dana Grada Sarajeva ("Službene novine Kantona Sarajevo", broj 7/06), Gradsko vijeće Grada Sarajeva, na 45. sjednici održanoj dana 30.12.2020. godine, donijelo je

ODLUKU

O DAVANJU SAGLASNOSTI NA PROGRAM OBILJEŽAVANJA 6. APRILA - DANA GRADA SARAJEVA U 2021. GODINI

Član 1.

Ovom Odlukom Gradsko vijeće Grada Sarajeva daje saglasnost na Program obilježavanja 6. aprila - Dana Grada Sarajeva u 2021. godini, koji je sastavni dio ove Odluke.

Član 2.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1285/20
30. decembra 2020. godine
Sarajevo

Predsjedavajući
Gradskog vijeća
Dr. Igor Gavrić, s. r.

PROGRAM OBILJEŽAVANJA 6. APRILA-DANA SGRADA SARAJEVA U 2021. GODINI Sarajevo, decembra 2020. godine

I - POLAGANJE CVIJEĆA

04.04.

10:00 Most Suada Dilberović i Olga Sučić
10:30 Staro Jevrejsko groblje
11:00 Vratnička kapija (SABNOR Stari Grad)
Stazama oslobodilaca Sarajeva i čas historije
11:30 Polaganje cvijeća

05.04.

08:15 Vječna vatra
08:45 Šehidsko mezarje "Kovačić"
Mezar Prvog predsjednika RBiH, Alije Izetbegovića
09:15 Spomen obilježje ubijenoj djeci opkoljenog Sarajeva 1992.-1995.
09:30 Mezari ubijenih policajaca u Velikom parku (11)
09:45 Gradska groblja Lav, Sv. Josip, Sv. Marko i Mezarje Stadion (Koševo)
10:00 Bista Vladimir Perić - Valter
10:15 Spomen park "Vraca"
10:30 Centralno Spomen obilježje/Općina Novi Grad Sarajevo (Ispred zgrade Općine)

II - SVEČANA SJEDNICA GRADSKOG VIJEĆA

Vijećnica, 06.04.2021.

Dodjela nagrada i priznanja Grada Sarajeva

Prilagođeni format: reduciran broj zvaničnika i učesnika u programu

Direktan TV prijenos

III - KULTURNE I SPORTSKE MANIFESTACIJE

1. ŠESTOAPRILSKA IZLOŽBA "COLLEGIUM ARTISTICUM"

Datum: 05.04.- 25.04.2021.